

學 生 國 學 叢 書

葉紹鈞選註

禮
記

商務印書館



王制[⊖]

⊖此篇記載古代政制，凡封建、任官、理財、興學、養老、明刑諸大端，無所不具。記者得自傳習，間參己意，斟酌其間，故不可斷言爲某代之制。以爲王者治天下之制如是，故曰王制也。

王者之制祿爵，公、侯、伯、子、男，凡五等。諸侯之上大夫——卿、下大夫、上士、中士、下士，凡五等。

天子之田方千里。公侯田方百里。伯七十里。子、男五十里。不能五十里者不
合[⊖]於天子，附於諸侯曰『附庸』。

⊖不合言不朝會也。

天子之三公之田視公。侯。天子之卿視伯。天子之大夫視子。男。天子之元士[⊖]視附庸。

○元士^{△△}天子之上士也。

制農田百畝。○百畝之分，上農夫食九人，其次食八人，其次食七人，其次食六人，下農夫食五人。○庶人在官者，其祿以是爲差也。○

○言農田之制，以百畝爲之率也。

○所受之田雖均，而地有肥磽之異，所食人數因之有多寡，而

『上農夫』、『下農夫』亦卽據此以分焉。

○庶人在官者，言府史之屬，官長所除，不命於天子，國

君者也。以是爲差，言視上中下農夫以爲差等也。

諸侯之下士視上農夫，祿足以代其耕也。中士倍下士。上士倍中士。下大夫倍上士。卿四大夫祿。君十卿祿。次國之卿三大夫祿。君十卿祿。小國之卿倍大夫祿。君十卿祿。

次國之上卿，位當大國之中；中當其下；下當其上大夫。小國之上卿，位當大國之下卿；中當其上大夫；下當其下大夫。其中有中士、下士者，數各居其上之三分。○

○中士下士不常置故言『其有』言制祿之數各居其上一等之三分之一也。

凡四海之內九州，州方千里。州建百里之國三十，七十里之國六十，五十里之國百有二十。凡二百一十國。名山大澤不以封。○其餘以爲附庸、閒田。○八州，州二百一十國。

○不以封，不以封國也。○言餘地若以封人，則使附於大國，謂之『附庸』。否則謂之『閒田』也。

天子之縣內，○方百里之國九，七十里之國二十有一，五十里之國六十有三。凡九十三國。名山大澤不以盼。○其餘以祿士，○以爲閒田。

○縣內言王畿之內，天子所居之一州也。○盼或爲『殞』字之誤。言名山大澤不以殞賜臣下也。

○言以爲元士之采邑也。

凡九州千七百七十三國，天子之元士、諸侯之附庸不與。

天子百里之內以共官，千里之內以爲御。○

○共卽『供』。官，一切公用也。御，包天子所服用而言也。言一切公用取給於百里之內，天子所服用

取給於千里之內也。

千里之外設方伯。五國以爲屬，屬有長；十國以爲連，連有帥；三十國以爲卒，卒有正。○二百一十國以爲州，州有伯。八州八伯，五十六正，百六十八帥，三百三十六長。八伯各以其屬，屬於天子之老二人，分天下以爲左右，曰二伯。

○屬言其繫屬也。連言其連接也。卒言其卒伍也。帥正亦長也。

千里之內曰甸。○千里之外曰采，曰流。○

○甸所謂甸服，服治田，出穀稅也。

○采言但采取其美物以當穀稅也。流言其地人性流移，或貢或

不貢無定也。

天子三公，九卿，二十七大夫，八十一元士。

大國三卿——皆命於天子——下大夫五人，上士二十七人。

次國三卿——二卿命於天子，一卿命於其君——下大夫五人，上士二十

七人。

小國二卿——皆命於其君——下大夫五人，上士二十七人。

天子使其大夫爲三監，○監於方伯之國，國三人。

○監，領也，察也。以其爲三人，故曰三監也。

天子之縣內諸侯祿也，外諸侯嗣也。○

○言內諸侯得祿而已，不得繼世，外諸侯則父死嗣位，世世相承也。

制三公一命卷，○若有加則賜也，不過九命；○次國之君不過七命；小國之君不過五命。

○卷同『衰』。言三公本八命，若復加一命，則服龍衰也。○言若有加此者，則出於特賜，常制不過

九命也。

大國之卿不過三命；下卿再命；小國之卿與下大夫一命。

凡官民材，必先論之，論辨然後使之；○任事然後爵之；○**在定**○**然後**○**禮之**

○官民材，言就民材而用之也。論，言考其德行道藝也。辨，言明確定當也。○**在定**，言正其秩次也。

③位定，言其材確稱其位也。

爵人於朝，與士共之。刑人於市，與衆弃之。是故公家不畜刑人，大夫弗養，士遇之塗，弗與言也。屏之四方，唯其所之，不及以政。④亦弗故生也。⑤

①政，役賦之政也。言役賦均不之及，不以常民待之也。②亦，爲『示』字之誤。故言有意也。弗，故生言聽其自生自死，無意於生之也。

諸侯之於天子也，比年①一小聘，三年一大聘，五年一朝。

①比年，每歲也。

天子五年一巡守。②

②巡守，言諸侯爲天子守土，天子時一巡省之也。

歲二月東巡守，至于岱宗，柴而望祀山川。③觀諸侯，問百年者就見之。命大

師。④陳詩，以觀民風。命市納賈。⑤以觀民之所好惡，志淫好辟。⑥命典禮，考時月，定日，同律、禮、樂、制度、衣服正之。⑦

○岱宗東嶽泰山也。柴燔柴以祭上天也。望望而祭之也。○大師掌樂之官也。○市典市之官也。賈卽『價』。納賈言進納物價之目也。○言民志若淫貪則愛好邪僻之物也。○典禮掌禮之官也。同校而訂正之也。

山川神祇有不舉○者爲不敬，不敬者君削以地。宗廟有不順○者爲不孝，不孝者君絀○以爵。變禮易樂者爲不從，不從者君流。○革制度衣服者爲畔，畔者君討。○有功德於民者加地進律。○

○不舉言不舉祭祀之禮也。○不順言若逆昭穆之類是也。○絀同『黜』。○流見放也。○討見伐也。○進律言加其爵命之等也。一說言爲樂以賞其有德也。

五月南巡守，至于南嶽。○如東巡守之禮。八月西巡守，至于西嶽。○如南巡守之禮。十有一月北巡守，至于北嶽。○如西巡守之禮。歸假于祖禰，用特。○

○南嶽衡山也。○西嶽華山也。○北嶽恆山也。○假音格（《古》）至也。禰父死入廟之稱也。特一牛也。

天子將出，類乎上帝，宜乎社，造乎禴。諸侯將出，宜乎社，造乎禴。○

○類^{△△△}宜造皆祭名。

天子無事，與諸侯相見曰朝。考禮、正刑、一德，以尊於天子。○天子賜諸侯樂，則以祝將之；賜伯子男樂，則以鼗將之。○

○尊^{△△△△}於天子言尊崇天子也。

○祝[△]昌六反（出义），樂器也，狀如漆桶，中有椎，將作樂，先擊之。鼗[△]音

桃（去么），亦樂器也，如鼓，長柄，旁有耳，搖之使自擊。將言執以致命也。

諸侯賜弓矢，然後征；賜鈇鉞，然後殺。○賜圭瓚，然後爲鬯；未賜圭瓚，則資鬯於天子。○

○言得弓矢之賜，方得專征伐；得鈇鉞之賜，方得專討戮也。

○圭瓚^{△△}爵也，形如勺，以圭爲之柄。鬯[△]，

秬酒也，祭祀用之。爲鬯，自造鬯也。資，取之也。

天子命之教，然後爲學。小學在公宮南之左，大學在郊。天子曰『辟廱』，諸

侯曰『頤宮』。○

○辟音壁（ㄅㄧˋ）頻音泮（ㄆㄧㄢˋ）

天子將出征，類乎上帝，宜乎社，造乎禰，禘○於所征之地，受命於祖，○受成於學。○出征執有罪，反釋奠于學，以訊馘告。○

○禘馬怕反（ㄇㄧˋ），馬上祭也。

○言告於祖，以爲出征蓋稟承祖命也。

○受成言規畫兵謀而

有成，然後受之而進行也。

○釋奠釋置采幣而奠安於神位之前也。訊生致之而問其罪也。馘古獲

反（《又》）殺而獻其左耳也。告告成功也。

天子諸侯無事則歲三田：○一爲乾豆，○二爲賓客，三爲充君之庖。無事而不田曰不敬；田不以禮曰暴天物。

○言無喪荒之事，則每歲爲下之三事而田獵也。

○言乾之以爲豆實也。

天子不合圍。諸侯不掩羣。○天子殺則下大綏。諸侯殺則下小綏。○大夫殺則止佐車。○佐車止則百姓田獵。獺祭魚，然後虞人入澤梁。○豺祭獸，○然後田獵。鳩化爲鷹，然後設罝羅。○草木零落，○然後入山林。昆蟲未蟄，○不以火田。不

麇，不卵，^⑨不殺胎，不殀天，^⑩不覆巢。

①合圍合藪澤而圍之也。掩羣掩禽獸之羣而擒之也。②殺獵止之時也。綏，旌旗也。大小名稱之異，

天子謂之大綏，諸侯謂之小綏也。③佐車，驅逆之車也。④獺祭魚，言獺捕魚而陳之，如人陳物而

祭也。月令言正月獺祭魚，虞人掌山澤之官也。⑤月令言九月豺祭獸，夏小正言十月豺祭獸，蓋九

十月之間也。⑥鳩化為鷹，言八月時。古人觀物不審，某時少見彼而多見此，輒謂此爲彼之形化也。

罽音尉（ㄨˇ），小網也。⑦草木零落，言十月時。⑧昆蟲未蟄，言未及十月時也。⑨麇音迷（ㄇ

一），初生之獸也。言不取麇，不取卵也。⑩殀，斷殺也。夭，幼穉之物也。

豕宰制國用，①必於歲之杪，五穀皆入，然後制國用。用地小大，視年之豐耗，

以三十年之通制國用，②量入以爲出。

①制，制定其多少之數也。②言因地之小大與收穫多寡之比，以知年之豐耗，又通計三十年之需

以制國用也。

祭用數之仂。①

○[△]飭音勒（ㄈㄨˇ）一數以四分之，於四分之前，先取出一分，此一分即數之[△]飭也。言祭祀不入經用，別有先取出之一項也。

喪三年不祭，唯祭天地社稷爲越[△]紼而行事。○

○越[△]踰越也。紼音弗（ㄈㄨˇ）引棺索也。言踰越其紼而往祭也。

喪用三年之[△]飭。○

○言通計三年之[△]飭數，以供喪用也。

喪祭用不足曰暴，有餘曰浩。○

○言所以不足，必踰禮越中，殘暴其物，有以致之也；所以有餘，必儉不中禮，苟省其財，有以致之也。浩[△]言財有餘也。

祭豐年不奢，凶年不儉。

國無九年之蓄，曰不足；無六年之蓄，曰急；無三年之蓄，曰國非其國也。三年耕，必有一年之食；九年耕，必有三年之食。○以三十年之通，○雖有凶旱水溢，民

無菜色。然後天子食，日舉以樂。⑤

⑤言必有餘供積貯也。

⑥言通三十年之所貯也。

⑦舉殺牲盛饌也。以樂言，以樂侑食也。

天子七日而殯，七月而葬。諸侯五日而殯，五月而葬。大夫、士、庶人三日而殯，三月而葬。

三年之喪，自天子達。⑧

⑧言自天子下通於庶人也。

庶人縣封，⑨葬不爲雨止，不封，不樹。⑩

⑨縣封，言不得引紼下棺，唯以繩懸棺而下，封土而瘞之也。

⑩言不封土隆起爲丘壠，又不植之樹也。

喪不貳事，⑪自天子達於庶人。

⑪不貳事，言專於哀慕也。

喪從死者，祭從生者。⑫

○從言從其等級之禮也。中庸曰：『父爲大夫，子爲士，葬以大夫，祭以士。父爲士，子爲大夫，葬以士，祭以大夫。』卽此義也。

支子○不祭。

○支子^{△△}庶子也。

天子七廟，三昭三穆，與大祖之廟而七。諸侯五廟，二昭二穆，與大祖之廟而五。大夫三廟，一昭一穆，與大祖之廟而三。士一廟。庶人祭於寢。○

○庶人無廟，故祭於寢也。

天子、諸侯宗廟之祭，春曰『禘』，夏曰『禘』，秋曰『嘗』，冬曰『烝』。

○禘音藥（一正）。

天子祭天地，諸侯祭社稷，大夫祭五祀。○天子祭天下名山大川。五嶽視三公，四瀆視諸侯。○諸侯祭名山大川之在其地者。

○五祀^{△△}戶、竈、中霤、門、行也。○此言視見祭禮有隆殺輕重之差耳。

天子、諸侯祭因國之在其地而無主後者。○

○因國言所都所封，因仍古國之地也。主後後世爲之祭主者也。

天子禴禘，禘嘗，禘烝。○諸侯禘則不禘，禘則不嘗，嘗則不烝，烝則不

禘。○諸侯禴禘，禘一禘一禘。○嘗禘，烝禘。

○禴音特（去声），一也，獨也。禘合也。言春禘爲禴，各於其廟祀之；夏禘、秋嘗、冬烝，則皆合祭也。○言

諸侯一歲中只行三祭也。○言一年禴，一年禘也。

天子社稷皆大牢。諸侯社稷皆少牢。○

○此言祭社稷所用牲也。大牢，牛、羊、豕三牲具也。少牢，羊、豕也。

大夫、士宗廟之祭，有田則祭，無田則薦。○庶人春薦韭，夏薦麥，秋薦黍，冬薦稻。韭以卵，麥以魚，黍以豚，稻以鴈。○

○薦時節供時物而祭也。○言薦時物並有相宜之動物配之也。

祭天地之牛，角繭栗；宗廟之牛，角握；賓客之牛，角尺。○

○角△，繭栗角如蠶繭如栗實言犢也。角握言角纔可握亦小牛也。角尺則其角盈尺之大牛矣。

諸侯無故不殺牛；大夫無故不殺羊；士無故不殺犬豕；庶人無故不食珍。

庶羞不踰牲。燕衣不踰祭服。寢不踰廟。○

○庶羞△△，常饌也。不踰△△，言不過也。牲祭時所陳也。燕衣△△，燕居時所服也。寢安息之所也。

古者公田，藉○而不稅；市，廛○而不稅；關，譏而不征。○林麓川澤以時入而
不禁。夫圭田○無征。

○藉借也。言借民力使治公田也。

○廛公家邸舍也。使商人停物於中，稅其舍不稅其物。

○譏伺

察稽查也。征亦稅也。

○圭田△△，卿大夫之田也。

用民之力，歲不過三日。

田里不粥，墓地不請。○

○田里受之於公者也。粥即『鬻』。墓地亦給自公家者也。請言以己意求之也。

司空執度地。○居民山川沮澤。○時四時。○量地遠近，興事任力。○凡使

民任老者之事，食壯者之食。^⑤

○司空掌邦事者也。上度，丈尺也。下度，大洛反（勿正）量也。○言居處其民於山川高下，沮澤浸

潤之處也。○上時候也。言候四時之天氣也。○言興役事，任民力也。○言不役老者，使壯者代

任其事，但仍給壯者之食也。

凡居民材，○必因天地寒煖燥濕。廣谷大川異制，民生其間者異俗，剛柔輕重遲速異齊，○五味異和，器械異制，衣服異宜。脩其教，不易其俗；齊其政，不易其宜。

○言就民之材性而爲之制居也。○言材質性情不等也。

中國戎夷五方之民皆有性也，不可推移。東方曰『夷』，被髮文身，有不火食者矣。南方曰『蠻』，雕題交趾，○有不火食者矣。西方曰『戎』，被髮衣皮，有不粒食者矣。○北方曰『狄』，衣羽毛，穴居，有不粒食者矣。中國、夷、蠻、戎、狄，皆有安居、和味、宜服、利用、備器。五方之民言語不通，嗜欲不同。達其志，通其欲，東方曰